

劉槎翁先生詩選卷之五

五言律詩

出蒲嶺晚投鍾寨

亂石悶岩扃蒼烟擁翠屏
稻田宜晚赤山木自冬青
客去衝蛮霧人來覩使星
祗慚過冀北猶擬泛滄溟

懋金鷄驛亭

綠雲上驛亭春色正冥
七千樹棠梨白滿山蕉葉青
碧潭開匣鏡秀壁擁帷屏
尚說容州遠舟行未可停

下馬

下馬度欽峯千溪復萬林
含沙疑鬼箭飛草畏蜚針

火種通徭俗山歌雜獠音逢迎暫投息起坐劇愁心
至沓孺駟初見海水

南海天光白東洋水氣昏
汐潮通浦口濤浪激山根
浩淼溼千古虛明匯衆源
平生萬里志臨眺豁飛翻
題陳贊府山水畫贈蕭伯循

憶在清江上開軒望遠林
鶯啼雙樹綠人靜一窓深
遠道勞行役芳期阻嘯吟
何如垂釣者萬事不關心
題雪景山水畫

萬木皆冰樹千崖盡玉山
精神添去馬毛羽失棲鷗
客路微茫外人家烟水間
憶曾登虎鼻徒步月中還

題毛澤民雲山圖

水國通吳會苑堂背楚臯
樹含春雨潤雲挾晚風高
幽想栖文豹深疑叫綠猱
誰能招小隱吾欲棹輕舠
題方壺寄黃郎中渭雲江樹圖併書

春樹重上綠江雲冉上生
圖傳龍虎客書寄鳳凰城
花底趨璫珮松陰奏玉笙
何時騎兩鶴方駕上蓬瀛
題趙鳴所畫林下看雲圖

何地好幽栖青林帶碧溪
藤垂猿共挂葉暗鳥頻啼
避俗還衣褐看雲只杖藜
幾時真不負歸問武山西
題山水畫軸

瀑布雙垂下屏風九疊張波光混彭蠡山勢似潯陽
松塢栖苑屋楓林帶石梁扁舟如可具吾意在滄浪

題畫扇

雪裂齊紈素天開楚甸圖丹崖禪閣金紅渚釣舡孤
亭晚連松桂沙明間柳蒲短琴如可抱清醕得頻沽

夜坐

更聲引迢遞海氣合空濛烏雀枝上月青楊葉上風
山河百戰後城闕五雲東往事成炊黍吾生獨轉蓬

夜坐

葉落風連樹烏啼月滿庭把書雙鬢白呼酒一燈青

霜露驚殘歲關河憶舊經職思方在圍未敢嘆飄零

西館積雨

西館門長掩青樗自滿林土垣秋後塌泥濘雨中深
案檢秋巡牘囊餘月俸金君親息未報搔首一長吟

雨歇感事

雨歇孤城曉風驚萬葉秋晴窓走蝸虎陰壁上蝸牛
撫事慙踈闊承恩歎謬悠若為裨海岳未敢問林丘

胡桃

碧露枝上重青苞顆上勻葉深初覆夏花弱不禁春
核隱龜筒小漿凝蜜枳新向來誰致汝吾欲恨平津

紅瓢瓜

皮綠何曾別瓢紅故異常
晶熒丹玉片滴瀝紫霞漿
雲落盤杆冷水餘齒頰香
青門誇五色見此不能忘

韭黃

都人賣韭黃臘月破春光
土室芳根暖水盤嫩葉香
十金酬好價一筋愜初嘗
何似江南種青匕雪裡長

曉起

樓笳低塞鴈鄰火起庭鴉
城歇征人拆門喧過客車
風枝塗白露霜葉覆黃沙
底事邊隅夢經時不到家
題李居中山水畫為孟彥忠椽史賦

日出清江迥雲生翠壑重
樓臺山上下車馬路西東
松瀑晴崖雨茅茨古木風
向來度橋處曾見抱琴翁

銅城駟遇雪

晨起驅雙犢前行挾兩輶
偶衝寒雪去如駕玉麟遊
草樹千章列川原一色浮
幾時還入覲趨拜鳳凰樓

夜雪

黃昏初浙上深夜故翩上
野白驚連水窓明覺滿舡
天低寒月下河斷北風前
旅泊成淹滯孤檣未可牽
青楊店晚泊憶往年
點水駟過此

寂歷臨流岬蒼茫向暮天
關河淹遠客風雪送殘年

宿鴈時驚火，饑鳥欲趁舡。昔年來往地，回首一茫然。
題李時畫山水圖寄贈羅修已

雪擁蓮花嶂，霞明楓樹林。江侵沙嶼闊，泉落洞門深。
柳色催移棹，松陰帶抱琴。新亭無限好，何日共登臨。
過桃源縣別黃仲篬

野市栖民舍，河堤帶縣衙。長年對流水，無處問桃花。
舊別三年久，新愁兩鬢華。相逢那可住，風雪滿星槎。
過丹塘訪雲從羅隱君不遇

綠竹溪流外，丹山夕照邊。入門雙桂古，繞屋數峰圓。
烟暖吹藜閣，雲寒穫稻田。如何不相見，悵望故悽然。

望白竹岩

窈窕綠苔澗，逶迤帶草堂。松橋通石徑，竹柵間山塘。
遠樹晴烟白，落花春水香。幾時游白竹，應踏石為梁。

清明對酒

榆火報清明，雲天霽景澄。菱花愁夜雨，桑葉愛春晴。
燕說興亡恨，蛙占水旱聲。可能忘世慮，呼酒聽流鶯。

題山水畫四首

隔水問樵童，青山深幾重。岩欹聞雪瀑，谷轉見雲松。
野服乘秋製，山田力歲供。徒令塵土客，揮汗仰高蹤。

右韓昌黎送李愿序

馳策長林下亭舟野水潯旌麾行處路罇俎別時心
山晚松陰薄江晴柳色深殷勤言贈意千古重官箴
右柳子厚送薛存義序

群木颯蕭々虛堂坐寂寥秋聲方永夜月色自中霄
目倦青編過眠遲絳蠟消平生江海志及此歎飄搖

右歐陽永叔秋聲賦

清夜放舡好長江正渺如風行流水上月出遠山初
飛鶴盤空迥潛蛟隱浪虛英雄有遺恨臨泛獨躊躇
右蘓子瞻赤壁賦

和子與王先生夏日途中望武山二首

日高南澗午雲度北岩陰坐石依行樹聽泉醒渴心
遙望西華觀微聞鍾磬音烟霞石磴晚誰與共清吟

其二

野寺臨溪古方橋駕石牢雲車停遠蓋風樹隱虛濤
赤日南天迥青岩北斗高却思燕地冷雪梳送冰桃
七月十四日同王徵君蕭國錄遊雲峰寺觀壁
間舊畫墨龍有感

梵宇憑虛構僧房隱樹開窓間時見虎山下或聞雷
路繞岩腰上泉通石骨來淒涼餘畫壁風雨半莓苔
問胡山人墳

偶尋康道士因問故人墳滿地生秋草何年閱白雲
松樓秋夢斷竹浦夜吟分狂飲猶憐我對泉擬醉君
宿西華有懷蕭鵬舉并柬同遊者

山光上寥閬海氣接鴻龐月近全當戶天岳半入江
買泉蒼石洞送酒白雲窓却憶滁陽客東遊滯短舩

贈廖山人月山

問訊青囊客來從衣錦鄉幾年寓禾水何日過茅堂
古墓沉鳧海高門散鹿場平生雙短屐登覽意何長

過小孤山

萬丈臨無地蒼然不可攀九江爭赴海一柱獨當關

水族朝珠闕仙娥擁翠鬟平生登覽興及此憫南還

阻風坐湖陰石上

江石平如砥江蕪散若絲偶來臨水坐渾似在山時
月上涵金鏡風來弄綠漪那無一樽酒來此共幽期

學釣

偶有臨流興因之駐木蘭呼兒供釣餌問客覓魚竿
小立憐幽樹深投愛弱湍惟應待明月長嘯下前灘

過南昌有懷曠伯達

生來虞胤極身後見時清每嘆多才累翻憐一死輕
慷慨論交契沉酣托酒名至今江草綠猶似別時情

過新淦樟口欲訪檢教謝叔賓不果賦此遙謝
五月辭京闕會期共泛舟蹉跎嗟後至悵望失前遊
樟口風湍急山中雲木稠寄書謝猿鶴欲往惜淹留
憶舍弟子彥相望

前月辭京闕因風問桂枝祗緣書到早應怪客行遲
失學憐宗武迎門想阿宜林塘新釀熟爛醉不須疑

過峽江

御路猶三駟逢人問水程晝愁江上住涼愛月中行
白髮思田里青燈憶弟兄那能即相見把酒慰深情
和蕭用文寒夜聞風之作

洵上松濤合潺上竹溜分已憐寒夜入况是客窓聞
月黑烏號子天高鴈失群淒涼江海意對酒正思君
宮體四時詞答和歐陽原之

春色滿長楊花枝出建章鶯啼知禁苑輦過識天香
度曲調鸚鵡吹笙引鳳凰可憐庭草色渾欲上羅裳

其二

太液清無暑承恩得泛舫飛帷綠綠水團扇夾晴烟
日暮猶移輦風來欲上仙池邊荷葉小箇上似青鈿

其三

金屋秋風起銅盤夕露深水花紅冉上宮樹碧沉上

却望鸞旌影微聞鳳吹音月明瑤殿冷香夢杳難尋

其四

曉色凍銅池寒光上玉墀天低九重闕雪滿萬年枝
閣道垂簾密宮門放鑰遲春風別殿早若箇畫蛾眉

登石華山遇雨

西候浮丘伯東瞻石華峰林陰初歇馬雲氣已乘龍
急雨沾崖谷長風下檜松殷勤兩仙女持贈玉芙蓉

賦水作玉虹流送子成之韻

贛江不可極雙注碧雲中出峽幾千丈青天垂玉虹
繫舫沙磧雨挂席石潭風八月尋源去相思秋樹紅

再賦嵐氣昏晨樹

晨光暖衆壑嵐氣噓重霧遙聞山下鍾微辨岩前樹
花落空復春鳥啼不知處木末帶飛帆行人望中去

寒夜感興和廖子所二首

浦月初沉後林霜欲下時空餘清夜永不盡故園思
旅鴈驚寒恹鄰雞戒曉遲床帷憐稚子此意未能知

其二

未賦潘安興仍懷宋玉悲溪山百里道雨雪暮年期
儒術真何濟農書竟不知臨晨增感激一謝故人思

次胡琴所韻

旅舍生芳草書帷映古槐共憐春意入况值客愁開
隔嶼花如霧哄堂咲似雷盃行嫌太緩故遣短歌催
達上麓訪吳孟勤不遇二首

杳々天河路蒼々暮色寒千峰引雲樹孤棹入雲端
舊別嗟誰在新詩憶共看憐君好毛羽何處覓琅玕

其二

憶過山中路都無半日程如何不相見從此又南征
江海時舟楫邊隅尚甲兵相思搖落景回首颯心驚
張氏溪亭雜興四首

草閣經秋淨柴扉近水開霜林收橘柚風磴坐莓苔

釣艇寒初放樵歌晚獨回城南車馬地欲往更徘徊

其二

水落沉菰米亭深暗女蘿捲簾秋霧薄倚杖白雲多
點々流螢下翩々宿鳥過高秋搖落近幽興欲如何

其三

寒霧依山歛晴沙與岬頽林塘無路入窓戶有時開
野客抄書去鄰翁送酒來幽期在蘿薜莫遣暮鍾催

其四

鳥徑緣沙小魚梁疊石高細流通亂嶼雜樹帶平皋
白鷺怡心性青禽惜羽毛由来林下客偃仰愧塵勞

題陽靈洞二首

宵七青牛峽荒七白鶴壇石山元少樹陰洞故多寒
帝子非秦女將軍自漢官乘雲知不返嘆息萬人看
其二

仙宇何年闢靈泉盡日聞石門通別殿木棧倚高雲
鸞鳳時來下獼猴近作群春風城郭暮烟霧正紛七
伯友夜半酒醒戲舉一首

對酒不能飲高人方醉眠衣裳侵石冷冠幘掛雲偏
地迥星聯戶風澄露滿天冥七清夜過驚起問初筵

賦石龍山

柳氏堂前石嶄岩故似龍泥沙排異質烟霧失竒蹤
檻竹秋陰覆塔苔夕雨封鰲溪未能往凝想最高峰

題米元暉山水小景

江上見青峰亭七三四重雨沾金翡翠雲湧玉芙蓉
桂嶼閑秋館楓林隱暮鍾蒼茫圖畫意欲賞惜無從
賦碧梧

庭前碧梧葉秋至捻離七不記遠移處忽驚初落時
色分雲際石影亂月中池鳳鳥幾時至淒涼青玉枝
江閣晚望次嚴煥韻

落日明秋燧江空生夕波閣前歌吹少城下戰舡多

望眼懸飛檄愁心倚太阿王師猶駐馬誰遣問如何
奉同孔元月赤文德王子啓嚴煥讌集聞公房
得新字

跨牛菴下路秋日往來頻何處無芳草多應有故人
座分禪榻舊門擁戟旗新且復臨樽酒微吟遠世塵
夜坐

江浦低雲鴈庭堦起露螢一燈寒烟七亂葉夜冥七
城迥聞征柝簷虛見落星時來對樽酒亦足慰飄零
快閣春望次王子啓

使者徵兵去居民避地回南風猶鼓角北岬自樓臺

白水晴雲動青山暮雨來百年舊城郭臨眺獨興哀

坐子戔竹林

愛尔幽棲處門前青竹林石床三伏冷池水一春深
野鳥來窺戶溪魚出聽琴無因謝羈束携酒日相尋

戲東王子戔

高懷清似鶴誰遣謾多憂藥裹家人問詩篇過客求
江連王子宅山入仲宣樓且復臨樽酒高歌慰遠遊

題山水畫

數騎陰崖雪孤帆碧嶼風行人萬里意遠在杳茫中
鴈下雲湍急鳥啼霜樹空遙山青一點疑是洞庭東

兵乱二首

兵乱連三載年荒餘幾家
久聞人食草仍報盜如麻
憂國愁心死傷時淚眼斜
平田棲白骨千里見飛鴉

其二

群盜猶相煽官軍且未來
四山烟霧塞一水道途開
近郭多豺虎春田半草萊
時七消息異嗚咽壯心哀

寄曠伯達五首

昔別已千里新愁復四年
風塵不可見江海一凄然
才想群公薦名因過客傳
東南藩鎮重獨覺省郎賢

其二

抱檄訴鄰饑開關破賊圍
近隨兵帳出遠送米舡歸
吳水波濤惡西山草樹稀
艱危知共濟莫遣壯心違

其三

聞說移居地還依孺子亭
對門湖共白一路柳長青
仕已沾恩露庭應聚德星
誰能遠車馬况不異郊垌

其四

郡邑溪山在風塵寇盜餘
長懷管寧去未卜屈原居
計拙憂虞劇閑多禮法踈
柴門春草滿驚捧故人書

其五

此日螺山下春深草謾多
官舡依近郭寇壘隔長河

市缺新年酒田荒舊種禾憂危仍寂寞回首颯悲歌
過王氏南園看竹劉以和携酒至共酌林間首
王子時相見劉郎晚共携邀人竹林下沽酒石橋西
林絢甜榴發畦深苦蕒齊徘徊未能飲着意鳥頻啼

其二

禁得南園筍新成數百竿何年通一徑長有客來看
露葉沾重席烟梢拂小冠風湍聽不定况復近江干

其三

磊上蒼苔石娟上翠蔭林圃畦分曉色鄰屋借秋陰
日轉遊絲細天寒聚雀深獨無三畝地種汝伴清吟

仲秋八日往洪都夜宿鹽堆頭

花石耀寒星鹽頭隱暮汀風沙開漠漠烟浪入冥冥
戰鼓秋初急羈愁夜不醒故園西嶺外漸隔兩長亭

新塗

乱山淦水上雨氣白如蒸古塔遺孤表荒墟散百層
賈舡初放槳漁屋稍懸罾近有官軍守科征恐未能

過峽江

石峽閔蒼烟江流似昔年戈舡猶自守草市稍相連
白骨青山下黃蒿古道邊石橋携酒處風雨一凄然

題春山烟雨圖

崖溜下林陂春雲帶雨垂不知村遠近惟見樹參差
柳巷聞鶯早桃蹊放犢遲亂餘寧有此愁絕輞川詩

題雲林別墅圖為黃子邕賦

雲薄黎川水月明蕭曲峰寒沙聞落葉絕頂見長松
別墅携壺與深林躡屐蹤秋江愁不渡誰共採芙蓉

沙村道中

隔水望東綿看雲憶閩川人行秋草裏鴈落夕陽邊
敗屋猶依磬荒村少種田征徭渾未已野哭更淒然
虞檢校奉省相命南迓王御史十月舟過珠林
承寄佳作依韻奉荅

瓜熟東湖日長懷別故人忽傳舟楫近先寄墨題新
遠候輕千里幽居少四鄰幾時行使節來賞菊花春

題彭氏背郭茅堂圖

日薄金華嶺雲深白石塘茅茨元背郭水竹自成鄉
圖畫者逾好登臨興不忘門前雙杏樹葉上是秋霜
暮歸至江口無舟投宿洲上田家

野渡初維楫林居早閉門陂塍交白水燈火向黃昏
問客安行李呼兒具酒樽艱難昧生理深媿老翁言

出郭

出郭念農事渡江仍涉溪城邊愁落日林下趁幽栖

紫棋交羅迳紅花間豆畦學耕心未已衝雨看鋤犁

江口汎舟得舡字

涼露青天下繁星白水邊歌呼仍勸酒起坐忽歌舡
喧已非塵境清疑是水仙沙頭燈火起飛鷺亦翩

過龍灣五王閣訪友人不遇

野橋秋水落江閣暝烟微白日又欲午高人猶未歸
青林依石塔虛館淨柴扉坐久思題字翻憐柿葉稀
聞顛已被圍而東固大坑又合兵攻興國有懷
伯氏子中寓顛縣之礼原阻乱不得歸
歎息荆花樹今年好遠遊路從兵後斷書是乱前收

漂泊從誰問艱危信自謀時已驚夢見不解說離愁

再懷伯兄子中時有同客興國者從問道先歸
兄以道阻後期不果

貧賤輕離別艱危昧死生獨違同里伴仍阻異鄉程
愛想深山憇愁聞間道行幾時秋樹下慰此淚縱橫

送醫士歸豫章

落葉滿城隅南歸感歲徂海邊曾種玉市上憶懸壺
山近烟嵐薄江寒島嶼孤惜無黃犢賣從子住東湖

題真上人幽居圖

豈有人知處千峰擁翠嵐背林通藥迳隔水見茅菴

說法魚應聽 栖禪鶴共參 經秋忘出戶 落葉滿岩龕
夜宿道德壇 東胡山人表 煉師蕭鵬舉 二首

月色下金鸞 鷄鳴出紫壇 不眠驚地迥 相語向更闌
酒過憐初醒 琴踈憶再彈 永懷栖遁樂 亦欲掛吾冠

其二

解劔旌陽宅 吹笙蕭史臺 驚看龍躍出 疑有鳳飛來
窓曙浮青桂 庭深散紫苔 脩然心跡靜 誰更問蓬萊
賦清江送廖子謙之臨江

清江清見底 千尺下沉七 白鳥晴飛遠 石龍雲卧深
遙知在泮樂 好聽濯纓吟 念此登臨地 因之見夙心

春日次蕭鵬舉二首

野客愁無賴 春來常晏眠 有時携美酒 獨酌向青天
種豆珠林下 看花石屋前 故人不可見 佳句乃聯翩
其二

聞說南溪上 乱餘春可憐 花開愁落日 草長記流年
賦擬傳金谷 茶應記玉川 尋常西郭路 思尔隔風烟

玉華山

翠巘千峰合 丹崖一迳通 樓臺上雲氣 草木動天風
野曠行人外 江平落鴈中 傷心俯城郭 烟雨正冥濛
題達監州草庵在金華之左

雲氣隨軒蓋飄七日往來茅茨元自葺牕戶有誰開
棠芟歌仍在桐鄉事可哀星袍五花馬猶想月中回
舟夜次查口東蕭鵬舉

扁舟泐綠嶼雙櫓折蒼波秋氣水邊早月明江上多
魚龍今夜冷鴻鴈幾時過去住閑幽興歌眠聽棹歌
南澗夜雪懷子戡前東塘雪中寄詩未答

昨夜南溪雪故人安可期欲尋行處屐長憶寄來詩
龍蟄滄江水鳥啼凍樹枝武山千丈玉思尔共遊時
題山水小景

倚石群松秀橫江五柳繁水侵陶令宅山掩謝公村
浴鷺依晴葉啼鶯近晚尊亂餘寧復此展卷一消魂

寄周伯寧二首

交友今誰在東遊最憶君清尊澄夜月綵筆動春雲
楚甸烽烟合秦淮樹色分相思愁日暮花落正紛
其二

江雨何時歇淮雲盡日飛誰知千里別還作故園歸
露草侵碁局風花上釣磯徒令南浦上山水憶清輝
經亡友故宅

草沒門前路葵荒井畔園亂泉通廢沼敗屋露顏垣
已覺鷄豚散空餘鳥雀喧欲行還復止寒日尚黃昏

舟次樟鎮

匝地閭閻盛綠江霧雨稠舟航通百粵征稅出南州
故里從誰問脩程且自由携壺初問酒移棹已驚秋

題竹石圖

為愛筓簞竹蒼苔節上封低枝兼雨重密葉與烟濃
丹穴終栖鳳滄溟未化龍幾時裁紫玉吹上白雲峰

奉寄孔監縣

寶匣動龍泉綸巾拂紫烟酣歌明月下起舞落花前
野雉紅繻短溪魚白錦鮮亦憐春似海安得酒盈甌
贈別李子翀之金陵三首

南北舟車會公侯地宅多百年新雨露六代舊山河
夜月銅駝陌秋風玉樹歌昔人遺感慨不必問如何

其二

鳳凰去千載城曲尚崇臺落日臺前下長江天際來
錦袍隨夢遠玉笛與秋哀定有騎黃鶴憑高日往迴

其三

往昔廬陵椽監倉出萬安白魚供日饌紅腐足朝盤
雲暝千峰雨江喧十月灘向來棲息地三見菊花殘

楊待制挽詩

諱景行字賢可延祐乙卯初科以易登進士

第授贛州路會昌府判官再調永新州丁内
艱去官改江西省照磨官轉宜黃縣尹撫州
推官湖州歸安縣尹年七十授翰林待制朝
列大夫致仕公平居和厚自持為政剛敏摧
擊豪橫不避權勢屹然不可干以私所至畏
憚及去而見思有立祠刻石者凡三為江浙
湖廣考官多得名士一時在清要者皆其同
年公未嘗以私謁之其剛正如此年七十四
以病終于家

郡邑徵循吏詞林憶侍臣青雲嗟濩落白首見清真

掄秀終裨國鋤奸肯避人百年文物盡愁絕故山春

泊蓼州登岬尋曠氏館

江雨冷瀟瀟維舟近畫橋不愁春爛熳故恐浪漂搖
淑口明花樹城陰散柳條故人高館近未覺旅魂銷

贈趙錄判之九江兼柬孫伯魚

上日之官去東門祖帳開青雲明淑景朱紱稱清才
花亂雛鶯囀江晴旅鴈回倘逢孫學諭為報寄書來

溪上

溪路出南港野林依古原偶行桑樹曲頗似桃花源
茅屋居人徧晴灘稚子喧依匕耦耕者相向已忘言

秋夕懷一兄及四舍弟時俱客興國縣山川阻
脩音問邈然二首

豈謂無家別三人各遠方已嗟甘旨薄翻覺道途長
歛水風湍白瑤岡霧樹蒼書來定早晚莫遣鴈相將
其二

好在程溪上月高愁掩扉也應念行客獨自對清輝
細草露初白高河雲正稀庭前紫荆樹歸夢故依

過李氏黃羅茅堂三首東克正

水碓時_匕急秋山岬_匕陰偶來看野客渾欲托雲林
烏石寒松暝香田雨稻深幽棲寧避世暫去已關心

其二

何年遠城市來此寄高情客有求書札誰從隱姓名
茅茨寒更濕花竹晚初成江海尊前意依_匕見弟兄

其三

伏雨日瀟_匕寒風斷柳條居然懷契闊何以謝招邀
把酒銷銀燭披圖出絳綃由來文物異况乃自前朝

對月

落盡東門柳辭家又一年浮雲千里外明月九秋前
席近花香潤樓當桂影偏思鄉意未已鴻鴈已翩_匕
贈帖有道進士自都城之官舒城

進士之官去真成萬里遊白雲淮水暮紅葉剡門秋
瓜戍隨春入公田按月收殷勤念民隱外秩近來優

題舒君彥幽居

自有幽居趣人來不厭頻叩門過日晏移坐見情親
涉圃從沾屐穿林屢折巾尋常混塵俗到此澹心神

東舒中立

城僻蒼山古天寒落葉稀細流通石澗斜日帶林扉
柳外青鳧亂松陰白鳥微看君携稚子把酒惜牽衣
雨坐江亭候寧都舡不至

不見南帆上淒然對水窓疾風吹大木積雨暗橫江

遠道何由達愁心苦未降徒聞鳴鶴起東度正雙七

月出

月出光初發客行烟水中舡頭當北斗竿尾信南風
蛟室侵崖黑漁燈照島紅飄七今夕纜何處繫青楓

雷鳴礫上對雪

誰能思更往暝入楚江空捲席聽春雪移舡避北風
依人汀樹綠着意渚桃紅觸景成孤寂悠七去住同

黃坊

風色愁將夕離人欲斷魂雲深知積水烟淡識孤村
釣艇遙相並沙鷗故不喧忽思携稚子踏雪過南園

送羅尚德之贛州

此日垂楊樹維舟惜遠行水生羊角渡春盡虎頭城
學律寧無術飛書早有聲十年趨幕府憔悴愧高情
復酌呈鄭同夫是夕宿學舍

復酌臨清夜幽懷故不群高林風鵲定暗壁露蛩聞
把燭嗔殘炬移尊惜半醺不眠看月上松檜白紛

題山水畫

旅遊常見畫偏愛淞江山日上雲霞動天清紫翠閒
秋林時自落春鴈不知還隱者茅廬好何年此扣關
十一月二十八日晚子與趙伯友登舟賦歸既

夜舟未開忽將軍送詩至舟次則劉侯惜別之
作因與伯友各奉和一章以畬其意

放舡驚雨過下馬報詩成不擬當深夜猶能念別情
夢隨書帳遠寒入緼袍輕明發辭灘石乘危敢計程
寧都曾三省自京師得危應奉為作其先人埋
銘一通歸以示予敬題其後

寂上仙人宅煌上太史銘飛霜中夜白宿草隔年青
未試干時策空傳相地經傷心行役者萬里哭蒼冥
贈藍山趙教諭

聞說藍山縣官庭暗薜蘿頻年虞盜寇長日罷絃歌

使者先馳檄諸生暫負戈終然陳俎豆失喜問如何
題平洲小景圖

錦水西流遠滄洲逸興長晚晴楊柳暗春雨杜蘅香
沙渚通鳧鶴江潭集鱖魴幾時携短棹載酒問茅堂
奉和崔州判仁卿山長克誠夏日同遊開善寺
路轉溪仍合沙平水屢侵放舡思極浦下馬得高林
却望烟霞色微聞鍾磬音虛堂白日靜於此見初心
九月九日將赴豫章夜發瑞州城下二首

天末雲霞暝城隅烟水深維舟呼不見漁火坐相侵
夜下芙蓉渚秋高橘子林不眠催解纜鳴柝正沉

其二

未卜西昌返還尋南浦行清秋千里外永夜一舟輕
風急高河動星浮積水明蒼江霧合起坐悵心驚
過松湖聞熊氏往時有花圃特盛

寂歷松湖市人家際水烟平沙皆種樹枯港不通舡
舊隱真堪托名園已盛傳青春花竹麗載酒定何年
過鄭氏隱居承二子之純之紀留宿賦贈

流水西山麓層軒夏木涼昔聞書帶草今過鄭公鄉
展席傳詩帙張燈列酒漿佳兒真好客傾倒意何長
寓鐵柱怡真堂東左德昭

自有幽棲志長嫌俗境喧喜尋高士宅得共故人論
古井波圍柱深簷石作垣焚香足危坐清咏五千言

題臯隱亭

晚樹連虛壁秋花隱畫簷林交風瑟瑟池迥雨纖纖
把酒頻移席翻書欲近簾由来有真趣出處若為兼

送友人之贛州司幕

江合城樓迥秋高幕府清之官寧憚遠論法正須平
寒瀨鳴沙淺晴嵐隱石橫淒涼為客處浩蕩送君情

題空翠樓為東山湛上人賦

碧嶂飛甍合青林畫拱高晴天引空翠涼月見纖毫

木榻飄金磬春壺淨玉醪東山有支遁臨眺使心勞

春山伐木圖

伐木春山裏千峰復萬峰蛟龍迴別澗麋鹿引行蹤
風落崇岡桂雲開絕壁松懷人咏鳴鳥欲往愧無從

題山水畫二首

遠樹層層出高崖面面開谷深雲欲動江白雨初來
楚佩遺仙浦吳航近釣臺故人渾不見秋暮思悠哉

其二

絕壁美蓉秀懸崖薜荔高天清聞夕籟木落見秋毫
仙賞誰能繼榮名自可逃時來倚圖畫悵望渺烟濤

寄贈翠岩叅上人

蘭若倚西岡年深松桂長似聞葛洪井還近贊公房
挂衲雲林淨翻經石榻涼下方一回首烟霧日蒼忙

南溪

溪樹綠陰忙林居夏向深青山謝眺宅流水伯牙琴
採藥懷孤往看花惜共吟北岩如可問於此息塵心

題松下行吟圖

松下行吟者翛然不可呼影臨秋水迥興與暮雲孤
石角栖書帙花陰散酒壺青山招隱去應是咲泥塗

宿東山下

夜宿東山下人家隔板橋泉聲霜下起霧氣月中飄
芋子兼皮煮松脂帶節燒老翁年九十起坐說前朝

令公岩送鍾廷亨歸興國

令公讀書處歸去又殘冬潭冷魚依石岩深鶴護松
穿雲窮望眼踏雪記行蹤明日平川道相思隔萬峰

溪上

渡溪日已暮回首見青峰風起岩前樹霞明天際松
佳人期未果幽迳偶相逢語忙投寒暝孤村起夕春

遊臨溪寺和鍾學正韻

澗來西流水門臨北向山渡橋驚鳥散掃石愛僧閒

霧薄林花紫春深石笋班雲峰如可問杖策未須還
承郭奉奎夜過溪上言北岩杜鵑花盛開手數
枝相贈明日賦此為別

故人夜相過手折杜鵑花掩冉帶華月參差出絳霞
來從仙嶺路分贈野人家我有遊山興因之起嘆嗟
看雨

慘淡連遙嶺蕭條入近林隨風初作勢度水忽成陰
壠穗沾新沐池荷掩舊沈西樓濯冰雪暫尔豁煩襟
題溪南幽異圖

誰寫溪南景幽深隔翠微釣舡沙際出楊柳雨中稀

竹翻書坐穿花載酒歸故人渾不至苔色滿林扉
雪中會飲分韻得花字

洗醖注晴霞張燈散暮鴉殘年今夕會遠道故人家
春入山中樹雪吹天上花當筵有長袖醉舞者歌斜
兵破江口余趨東原挈妻子入山道次相失復
聚

倉卒還相失艱危獨後來亂山當日暮長路入風埃
壤上從誰問沉上只自摧逢迎忽驚喜相顧歛興哀
尋家人至石嶺下衝雨入大村夜宿羅坑

石嶺重攀躋羅坑及暝栖不辭衝暮雨政恐踏秋泥

親老愁多病兒癡睡更啼艱虞戒前路不敢候鳴鷄
午憇石鼓坑嚴復亨寓舍問米過漣塘尋康氏

姊

書在餘三策錢空罄一囊問人求食米隨客度山莊
影怯飛鴻後啼驚猛虎傍遠尋康氏姊感激意何長
秋旱井涸致水為勞有浚而得泉者喜而賦詩
井涸仍秋旱從勞抱甕人偶緣淘得淨但訝汲傷頻
歌石盤根古寒泉積滌新渴心端賴尔回首颯風塵

南岳祠前古松

偃蹇何年種青蒼暮色酣半身猶直上全勢欲傾

古壁龍鱗合空巢鶴影叅歲寒終見尔霜雪老能堪
出社下頗望九洲流陂稻田可愛

渡頗望平田人家隱翠烟村虛自鷄犬風物似神仙
晚樹依沙立秋粳帶水眠幾時驅兩犢投迹此安厖
初遊長興寺

山中
一路縈紆入群峰迤邐開樹連山路合溪帶石橋回
烟火依農屋雲霞隱佛臺如何千載下不見一人來

豈有人知處白雲連上層入深疑遇虎愛淨欲依僧
風磴鳴樵斧烟岩翳佛燈如何江浦上殺氣苦憑陵

蘇軾先生詩集卷之五

再遊蒲礪與子中子彥題名于礪右之巖壁因

賦詩而歸

自掃礪邊葉閒通石上泉綠蒲向深處幽響忽琤然
題字捫青壁長歌入紫烟日長山更靜來此弄潺湲

九月三日由長坑入南門山寺將過里良暫憇

合龍寺聞饒兵已逼新安二日矣

三宿那容恋孤征自可驚已聞虎穴聞復道鳥巢傾
戰鼓寒初急烽烟晚更明問程投野寺日暮最含情

雨坐下郭田舍閱案上道書

臨澗一茅亭連山萬竹青微風閒聽鳥細雨坐看經

憤極思吳劔飢來憶楚萍野人能好客猶足慙飄零

晚興次珪上人韻

何地可幽尋南方多翠岑水流村礪遠樹擁石門深
事感升沉迹愁牽去住心終然恋禪寂十日坐林陰

食無菜

豈有膏粱想仍無食菜緣饑荒寧絕物枯旱已經年
青憶冰盤送香懷雪椀傳喜聞春意動薺麥滿山田

社日

社日那無酒時危不見春閉門防過卒燒紙賽田神
已嘆耕鋤廢終傷殺掠頻鷄豚久蕭索未敢怨風塵

蘇軾先生詩集卷之五

廿九

井

重遊長興寺

重到長興寺青山四面同鳥啼花竹暗人散戶庭空
蒲礪千年雨松門午夜風舊遊悲往日回首各西東
重過梁塘訪郭與恭

一水鳴蒼峽千峰引白雲時危還作客歲晏却尋君
事往詩仍在愁來酒易醺野橋寒日下霜鴈遠初聞

聞鷓鴣

尔本越中鳥何年来此啼羽毛渾自媚言語使人迷
隱々穿松障蕭々度竹溪斷腸聽不得歸路日平西
題劉誠本為子彥弟作山水圖

畫者有遠意寓之山水間野航當晚急江閣與秋閑
嘉樹團丹壑幽花照綠灣何年謝塵鞅杖策此中還
由雀兒嶺入閩川青梁尾

歷險非吾意臨危信此生一家微命在百里畏途輕
草屋憐蜂聚松崖愧蟻行喧々豺虎急向晚慎前征

其二

路折千灣水天垂四面山野人初問戰過客乍投關
地僻燒畬遍溪深采葛閒時々聽鼙鼓悵望不知還
夜渡溪水見月憶流江諸友

片月出東嶺野禽相應啼歸人愛清景乱月渡平溪

草露忽已集洞霞猶未降流江向西遠歸夢使人迷

嘗山藥

誰種山中玉修圓故自勻野人尋得慣帶雨斲來新
味益丹田暖香凝石髓春商芝亦何事空負白頭人

山樓即事

樓出青峰上簷栖碧樹端雨窓晨易白雲榻夜多寒
微醉時欹枕閒愁獨倚欄紛々猶戰奪托跡敢求安

晚望

山氣碧氤氳深林帶夕曛人孤歸嶂晚犬吠隔溪雲
杉竹何年種烟塵此地分桃源寧異此猶恐世人聞

寄蕭翀

九十九頓嶺歸來又幾時七危愁不見歲晏最相思
天遠驚鴻斷山空病鶴飢長懷霜月夜一笛向人吹
夜宴次王伯衢

王氏多才彥青雲玉樹林金尊瑤席滿銀燭畫堂深
風雨殘年夢江湖千里心感君情似海欲醉且停斟
宣溪餞李提舉一初席中和王子讓

客有東歸思維舟向浦橋江聲翻石面雲氣閣岩腰
悵飲淹泥潦歸程問野樵醜歌莫催發晴景在明朝
和蕭漢高歸省水東

雪意滿鄉山寧親復此還臘前見梅蘂江上候柴關
入饌鮮魚白升堂舞袖班別君增永感飄泊愧愁顏

四月苦雨次郭吟翁

暮云粘水厭雨斷林千山尚寒色四月更春陰
望怯舟航絕居愁井甃沉如何開霽景空有濟時心

題曠子西山讀書圖

曠子耽幽僻西山住五年讀書秋樹下躡屐亂峰前
酒憶鄰僧送詩從野客傳臨圖懷往事丘壑故清妍

憶蕭一誠

萬里潮陽道經年獨尔思海邊為客久兵後到家遲

戀闕心猶割傷時髮欲絲荆南非舊日剩賦七哀詩

贈黃孝子廷端

南陔嗟久廢素韞幸猶存風變干戈際人稱孝友門
雲山藏舊宅烟草翳寒原誰續黃香傳當為薄俗敦

寒日

寒日閉門早荒村落木齊昆虫霜後蟄豺虎草間啼
碧海終難涉青雲未可梯鹿門早晚去妻子定相携

題天地山水圖

落日二妃浦青天五老峰蓮華深鬱草色淨溶
去鴈低寒樹歸人帶暝松向來水西寺欲往似聞鍾

南溪山上賞月

涼露經秋白華筵向夕開
 笛聲山上起月色海邊來
 花隱千峰合松排一迳迴
 直愁星漢曙莫遣醉歌催
 十二月十日晚同吟所郭先
 輩奉陪溪南隱君與其諸郎
 群從觀舍傍蔬畦仍出山後
 臨眺江上周覽林麓追念舊
 遊撫余羈懷益深感慕因賦
 五言近躰六詩東同遊諸君
 亦以識嘉會也
 背嶺溪流合穿林石路高連
 薨依帶嶼百堵見周遭
 掃兼看畦韭牽蘿出澗桃極
 知幽興熟來往未云勞

其二

林下戲秋千中流奏管絃
 看花懷舊賞撫樹惜流年
 白髮金臺客青雲玉署賢
 後來文物盛此事會俱傳

其三

古廟依蒼麓窮林俯綠潭
 石臺交野祭畫壁擁朝叅
 雲送千林雨烟飛隔水嵐
 向聞燈火夕歌吹足沉酣

其四

喜有連雲樹仍多近水村
 偶來隨杖屨渾欲托丘樊
 山暝寒初落灘低水自喧
 終然遠城市何用覓桃源

其五

日落風猶起江寒魚正肥
 鷓鴣下水急舴艋出灘稀

旅食勞行李歸栖念采薇已驚殘歲迫猶恐杜心違

其六

歌樹供維楫高崖可構亭沙呈橋外白山漾水中青
別洞通仙境何年閔地靈時來及登眺亦足慰飄零

送吳太守之韶陽

已報新移郡猶聞不下堂買舟辭快閣度嶺問韶陽
晚驛江雲白寒潮海日黃使君行五馬南徼有輝光

其二

白下東門柳當年手種成行行當別路葉葉是離情
解纜驚秋雨揚鏹送晚晴春風榕館靜好在聽啼鶯

劉槎翁先生詩選卷之五

五言排律

大官供宿膳分韻送友人中書掾

紫閣趨朝夕彤庭直禁時內官調玉饌中使奉珍奇
絳節傳宣近雕盤餽食遲星河聯綉戶雲月上芝楣
夜入華燈轉春隨刻漏移露晞應待旦獻納好陳詩

題劉善初草意亭十二韻

庶草含生意高人秉性靈十全推藥物千古重圖經
畦掩霜芽紺林團霧葉青蒼根蟠石罅柔蔓絡岩扃
煖火時蒸木長鏡亦斲苓香浮蘓井橘甘絕楚江萍

飲聖諳殊味傳竒識異形遠應探北岳幽合之南溟
遼夏同三島芳鮮自一庭懸壺花底市搗臼竹間樵
瞑眩懷怯疾從容異引齡早甦民瘵劇兼慰客愁醒
乙巳閏十月十五日聞永新破諸克就戮無遺

喜賦三十二韻

鼓乱雄諸郡憑凶跨十年荆湖延毒霧漢沔注妖躓
鳥獸寧殊類龍蛇自一川羽毛初景附苞蘖忽根連
掠野時乘間攻城亦破堅踐攘螻蟻甚累係犬羊然
里錄先鋒籍家亡世業田鯨吞那有間席卷欲無前
割奪封疆盛依乘節制專公侯淒喪狗奴隸歛登仙

白日驚雷破炎天積雪懸存亡覘貨賄喜怒信刀鋌
誅責窮糠粃需求到甓甑寡妻牽雨筏厄子負冰椽
徭役家亡急科徵處處煎田廬久焚落衣履極窮穿
慘矣生民禍居然爵土煽積金明別塢陳粟閤荒烟
列地朱甍壯層城畫堞鮮椎牛釃玉醴躍馬鑄金鞭
事楚終懷譎盟邾或撓權郊端兵屢挫城下檄虛傳
幸不惟勅敵能無感彼天假名徒虎負就縛竟蟬聯
夜謀披心膂晨登奪旆旃剗腸劇狐鼠啄腦任鳥鳶
崛強嗟何在繁華捨棄捐掃除應假手覆敗已駢肩
野昔耕無犢民今坐有羶飛霜收殺氣清旭震居屢

禾水春前綠屏山雪後妍遺氓喜相勞早晚賦東旋

觀漲二十三韻

積雨陰淫日雙溪曉漲初冥々低鼓浪灩々細通渠
觸岬聲齊閉盤山勢漸撼微茫穿窈窕浩蕩入空虛
石抉漂岩鼠防崩潰沼魚掉頭堤柳曲破面渚萍踈
荇泛紆殘綬蘆漂偃敗旗二儀看動盪八表聽吹噓
蛭蚓無安穴蛟龍有定居深疑掀巨壑猛欲撼盤岨
出峽喧雷鼓經天浸日車凝光淨羅敷跳沫碎珩琚
涌屋初浮棟循階忽闖除人疑歌瓠子世欲祀鷄鵠
禾出偏愁決三江未可疏皋田淪細麥場圃溷嘉蔬

升屋呼號急登臨盼望如雲猶浮井邑烟已斷林廬
遠想天河落空懷黃垆潴龍門連迫迤梅演混舒徐
昏靄迷行筏淒風冷客袂沉浮驚浴鳥漂轉嘆棲苴
滙想經彭蠡朝終赴尾閭扁舟如可具吾欲理畋漁

奉和孫真州伯岡南軒種竹十二韻

聞種南軒竹親携斲地童覆根深宿土護葉背驚風
籊々看雙幹蕭々自一叢雨愁岓響挫晴愛樹陰籠
低映橫窓北深連別塢東春林期盡植秋迳得傍通
散帙琅玕潤移尊翠黛空商音涼瑟々每氣夜濛々
習隱兼松菊攄材並梓桐清懷二子上名混七賢中

自附幽棲興能忘長養功終言拂霄漢高節倘齊同
賦玉筍山送楊主簿公望之清江

主簿才名盛之官萬里遙登臨當別地感慨欲行朝
稍離金華界還瞻玉筍標天光浮巖業雲氣上岩峽
紫蓋麒麟府青蓮翡翠翹覆箱看雪積法樂聽風飄
近侍丹臺聳尊居絳節朝彤霞秋閃々太白夜迢々
漢帝傳金籙秦娥奏玉簫子真元自隱公遠更誰招
夕霧栖寒谷春風動碧寥烟雲千壑轉宇宙一岑超
此去期應及來遊趣自饒避人騎瘦馬留客解金貂
山木宜秋煮爐丹足夜燒題詩黃葉嶂携酒白雲椒

靜倚迎晨旭長歌謝莫飈終言睠官府未可狎漁樵
野迥齊桃葉沙晴暗柳條賦題驚草率餞邁愧萍漂
疎雨沾行李飛雲逐去橈清江百里外東望極旻霄

送况吏目歸西山

南郡城如鐵西山翠作屏六年佐州幕千里望親庭
簿領仍相絆干戈苦未停曉衙衝曙暗夕騎戴明星
故里烟塵隔澄江風浪寧賦歸花萼々送別柳青々
斷港移蘭棹晴沙注玉瓶東南烽火後幾處短長亭
題江亭春望圖為劉仲章賦

山暖錦雲香江晴翠黛光烟林交翡翠風檻舞鴛鴦

路轉川原迥潮通浦淑長落花沿石溜芳草限河梁
離客迴蘭漿幽人結蕙纒年七望遠意春色滿衡湘

陪練伯上同飲王氏南園櫻桃花下得中字

斜日櫻桃下高亭野水濱草生遙浦暗花發近林春
移席無餘地停車有故人登山携謝屐漉酒問陶巾
芝嶺元通漢桃源自隔秦莫辭終夕醉世已淨風塵

臘月朔日紀懷十八韻

哀七聞愁集堂七急景遷殘冬惟一月旅寓向三年
霜入絲萼羨風掀錦樹鮮義山通鳥道禾水漲蛟涎
雨泣鳴蛩地雲愁過鴈天川光寒不動兵氣慘相纏

海上霞生燧城邊月應弦瘡痍渾未息疫癘恐相煽
隴畝遲三白山林負一廬感時何及矣撫事獨凄然
膽落傳新令家貧食舊編依人慚野燕戀子劇飢鴛
席破門懸雨庖空井悶烟種山仍畏虎踏地祗憐螭
出感關途梗居愁賦調煎鹿門那可問桃水迳湏沿
未必弦真絕虛疑筆可捐東風如解凍南谷且棲玄

冬日同諸友訪蕭國錄登西樓復會宿山房分

韻得連字因懷往昔夜過監學訪蕭國錄會宋

學士周負外諸公賦詩舊事明日賦東鵬南伯

仲并分韻諸作者

昔在兵曹日長懷曹監賢退朝先解珮扣戶即登筵
沽酒尊頻倒移燈句共聯白頭推翰相絳筆會蓬仙
醉奪青稜被寒分白氎氎聞雞愁夜雨騎馬愛春天
改秩俄南北還家乃後先西樓初看竹南澗復聽泉
神劍驚重合蠙珠得再連莫辭燒燭坐且復對床眠
窺戶來雛鶴躡枝嘯凍鴛窓虛風浙七簷迥雪翩七
舊賞隨雲散新愁共月懸清才屬群彥高詠信殘年
楮巢詩為彞仲賦

豪貴金為埒高人楮作巢一區通窻窳四壁絕窳均
暖愛風威隔寒驚雪色交調琴延舞鶴揮筆者騰蛟

迓小綠松入門幽傍竹敲寄言塵土跡未可漫相消

詠雪

飄忽來何處紛紛勢不齊漫空翻上下着地徧東西
凍合松林重聲聞竹屋低欽峯綠石壁爛熳布山谿
曲直循繩矩方圓應壁圭寒輝偏照戶素質不沾泥
附垓俄驚厚填窪迥覺漸伴吟栖近閣隨舞入香閨
獵往踪先得樵歸路欲迷谷深愁側入橋滑怯危躋
林暝躡千鵠沙寒散萬羝綴衣儕玦瑀集樹混梅梨
隄港增新堰田園失舊畦馬馳驚逸轍兔過識奔蹄
行客重裝襪居人縮擁炷積箸朝未掃壓軸晚猶挽

賞勝思圖畫驅寒問酒榼凍僵憐野狃光眩誤鄰鷄
晏歲應多遇嚴程未可稽停鞭呵凍筆聊與寄新題

圖